

Broj: 01/1-50- 3-1-42/17
Veza broj: 01-02-1-3044/16
Sarajevo, 15.2.2017.

PRIMLJENO:			
Organizaciona jedinica	Klasifikaciona oznaka	Redni broj	Broj priloga

PREDSJEDAVAJUĆEM PREDSTAVNIČKOG DOMA

Na osnovu čl. 108. i 109. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH”, br. 79/14, 81/15 i 97/15), Ustavnopravna komisija Predstavničkog doma Parlamentarne skupštine Bosne i Hercegovine daje sljedeće

MIŠLJENJE

o Prijedlogu zakona o dopuni Zakona o upravi

Ustavnopravna komisija Predstavničkog doma primila je 16.12.2016. Prijedlog zakona o dopuni Zakona o upravi, predlagača poslanika Damira Arnauta, koji se razmatra po osnovnom zakonodavnom postupku.

Zakonodavno-pravni sektor Sekretarijata PSBiH dostavio je 6.12.2016. Mišljenje da je Prijedlog zakona usklađen s članom 105. Poslovnika Predstavničkog doma i Jedinstvenim pravilima za izradu pravnih propisa u institucijama BiH.

Ustavnopravna komisija je na 40. sjednici, održanoj 27.12.2016., razmatrala Prijedlog zakona o dopuni Zakona o upravi. Komisija je nakon rasprave odlučila da od Kolegija Doma zatraži produženje roka za dostavljanje mišljenja o Prijedlogu zakona za 30 dana i predložila da se od Zakonodavno-pravnog sektora Sekretarijata PSBiH zatraži dostavljanje dodatnog mišljenja o usklađenosti Prijedloga zakona s članom 105. Poslovnika Predstavničkog doma i Jedinstvenim pravilima za izradu pravnih propisa u institucijama BiH.

Kolegij Doma je na 42. sjednici, održanoj 29.12.2016., odobrio produženje roka za dostavljanje mišljenja o predloženom zakonu za 30 dana.

Zakonodavno-pravni sektor Sekretarijata PSBiH je 29.12.2016. dostavio Obavještenje o tehničkoj grešci u nazivu Prijedloga zakona, a predlagač Zakona je aktom od 6.1.2017. ispravio tehničku grešku u nazivu Prijedloga zakona.

Dodatno Mišljenje o usklađenosti Prijedloga zakona s članom 105. Poslovnika Predstavničkog doma i Jedinstvenim pravilima za izradu pravnih propisa u institucijama BiH Zakonodavno-pravnog sektora Sekretarijata PSBiH dostavljeno je 11.1.2017.

Ustavnopravna komisija je na 41. sjednici, održanoj 17.1.2017., ponovo razmatrala Prijedlog zakona o dopuni Zakona o upravi. Komisija nije prihvatila principe predloženog zakona.

Predstavnički dom na 41. sjednici, održanoj 18.1.2017., nije prihvatio negativno mišljenje Ustavnopravne komisije, te je zadužio da dostavi novo mišljenje o Prijedlogu zakona o dopuni Zakona o upravi.


Ustavnopravna komisija je na 42. sjednici, održanoj 15.2.2017., ponovo razmatrala Prijedlog zakona o dopuni Zakona o upravi, u skladu s odlukom Predstavničkog doma.

Komisija je, nakon rasprave, jednoglasno:

- utvrdila da je Prijedlog zakona o dopuni Zakona o upravi, usklađen sa Ustavom BiH i pravnim sistemom BiH.

Komisija je, s tri glasa „za“, dva glasa „protiv“ i jednim glasom „suzdržan“:

- prihvatila principe Prijedloga zakona o dopuni Zakona o upravi.



Dostaviti:

- Kolegiju Predstavničkog doma
- a/a